



**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndae Secvundae S. Thomae
Aqvinatis Respondens

Tanner, Adam

Ingolstadii, 1627

IV. De partibus fortitudinis in communi, ac speciatim de Magnanimitate,
velut prima virtute fortitudini adiunctæ, ac vitijs eidem oppositis, nimirum
præsumptione, ambitione, inani gloria, ac ...

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

quod alioquin incurreret, si absque causa legitima, prætermis bonis, quibus esset magis dandum, peccatoribus largiretur. Quando vero hoc particulatim accidat, ex ipsa ratione materia dijudicandum est: sunt enim quædam, quæ nullo maioris mali declinandi respectu à peccato excusari possunt: quæ proinde nunquam licita sunt; quia peccare etiam vel leuissime nunquam licet.

44 Quæritur secundo, quid & quale peccatum sit *intimiditas*. Respondeatur; Intimiditas generatim loquendo, est vitium seu peccatum, quo aliquis non timeret ea mala, quæ secundum rectam rationem timenda forent; sive quia minus, quam par est, amat bona ijsdem malis opposita, sive quia ex superbia animi de se præsumit & alios contemnit iuxta illud Iob 41. v. 24. *Qui factus est, ut nullum timeret. Omne sublime videri: ipse est rex super uniuersos filios superbia:* sive id contingat ex stoliditate, seu ex defectu rationis & iudicij, sicut Aristoteles 3. Ethic. cap. 7. ait; *Celtas propter pusillitatem nihil timere.*

In præsenti autem Intimiditas est vitium fortitudini oppositum per excessum, quo quis inordinate contemnit pericula mortis, secundum eas circumstantias, secundum quas ex prescripto rectæ rationis timenda & refugienda forent. Ita S. Thomas quæst. 126. art. 1. & 2. iuxta philosophum 3. Ethic. cap. 7. vbi *Impaviditatem seu Intimiditatem fortitudini oppositam constituit.* Ratio est; quia virtutes morales in medio consistunt; ac proinde sicut accedit nimium timere pericula mortis; ita etiam fieri potest, vt quis ea nimis parum timeat, & refugiat; siquidem contra naturalem inclinationem, & per consequens peccatum est, deficere à debito amore vita, aliorumque bonorum naturalium. Et Proverb. 14. v. 15. legitur: *Sapiens timeret, & declinat, à mali; stultus transflit & confidit.*

45 Quæritur tertio, an, & quale peccatum sit *Audacia*. Respondeatur. Audacia per superabundantiam dicta, adeoque immoderata, est peccatum; & quidem fortitudini oppositum, quæ est circa timores, & audacias. Ita S. Thomas q. 127. a. 1. 2. iuxta Aristotelem 2. Ethic. cap. 7. & lib. 3. cap. 7. Ratio est; quia cum virtus moralis, & vitium habent eandem materiam, tunc sibi inuidem opponuntur. Differt autem audacia sive temeritas ab intimiditate, quod intimiditas non estimat pericula, quasi vero respectu operantis nulla sint, aut certa mala non sint; audacia vero seu temeritas, ob nimiam prædantium, temere audeat & aggreditur pericula.

Si tamen audacia sit pura, hoc est, quæ non progrediatur ad aliquem effectum, communiter est tantum peccatum veniale; sicut & immoderata iracundia, & immoderata timor purus. Nam tunc eiusmodi passiones neque operanti, neq; alteri horabile nocumentum afferunt, vt ex Galerano V. *Audacia* notauit Valentia q. 3. de fortitudine pun. 2. Quod intellige, si nec secundum animi quidem destinationem & propositum ferantur in aliquod obiectum grauiter rationi aduersum.

46 Et quamvis S. Thomas q. 127. a. 2. ad 3. dicat audaciam non habere vitium oppositum, nisi ti-

miditatem tantum; non male tamen Valentia locit, afferit eidem per defectum opponi virtutem seu peccatum, quod appellari potest quædam ignavia, vt licet colligere ex Aristotele 3. Ethic. c. 7. cum scilicet quis non audeat quod debet, & sicut debet, & quando debet.

Comuniter tamen hæc peccata non censemur distincta à peccatis, quæ ex ijsdem consequuntur, sive ad quæ ordinantur; vt si quis sive ex intimitate, sive ex audacia vitam prodigat, aut debitiā sive vitę ac incolumentis curā negligat, &c. quam hæc ipsa pro diuersitate moriū diuersam peccati rationem habere possint. Aliud enim est vitam prodigere, eam non estimando; aliud, temere aggrediendo pericula, è quibus spes te liberandum, &c. Plura de timore, præfertim quatenus ad spem pertinet, vitisque eidem oppositis, dictum est supra disp. 2. q. 1. dub. 3. & 4.

D V B I V M IV.

*De partibus fortitudinis in com-
muni; ac speciatim de Magna-
nimitate, velut prima virtute
fortitudini adiuncta; ac virtus
eidem oppositis, nimirū presum-
ptione, ambitione, inanigloria,
& pusillanimitate.*

S. Thomas 2. 2. q. 128. 129. 130. 131. 132. & 133.

47 Circa hanc rem quæritur primo, an & quales partes habeat fortitudo. Respondeatur cum S. Thoma q. 128. art. vn. sequentibus assertiōibus. I. Fortitudo non habet quidem partes subiectivas, de quibus velut genus prædicetur; non enim dividitur in multas virtutes specie differentes; sed est ipsa una specie insima virtus; quia est circa materiam valde specialem: habet tamen tum partes integræ, secundum ea, quæ necesse est ad altum fortitudinis concurrere; tum potentiales; quatenus ea, quæ fortitudo obseruat circa difficultatum & maxime ardua, nempe circa pericula mortis; aliquæ aliae virtutes obseruant, circa qualiam alias materias minus difficiles; quæ quidem virtutes adiunguntur fortitudini, velut secundaria principali. Ratio & declaratio sumitur ex dictis in simili q. 1. dub. 2.

Solum notetur differentia inter prudentiam & fortitudinem. Illa enim latissime patet, & in omni vita genere spectatur; proq; diuersa conditio status seu officii diuersas admodum regulas depositit, ac propterea plures etiam partes subiectivas continet; hæc vero contractu admodum obiectum habet, nimirum mortis pericula; quæ etiam in omni etiam vita genere reperiantur, eandem tamen habent rationem, nec nisi materialiter difficiuntur.

Nec obstat, quod Aristoteles 3. Ethic. cap. 8. statuere videtur quinque species fortitudinis, nimis in 1. Politicā, quæ fortiter operatur propter timorem, vel exhortationis, vel pæna. 2. Militarem qua

49 quæ fortiter operatur, propter artem & experientiam rei bellicæ. 3. eam quæ fortiter operatur ex passione, præcipue ira. 4. quæ fortiter operatur, propter consuetudinem victoriae. 5. quæ fortiter operatur, propter inexperientiam periculorum. Hæ enim propter motu imperfectionem, deficiunt à vera ratione virtutis; etiam si in obiecto materiali cum fortitudine conueniant: ac proinde non sunt partes subiectivæ fortitudinis, sed modi eiusdem analogice dicti, ut recte S. Thomas ibidem ad 7. & dictum dub. 1.

ASSERTIO II. Partes quasi integrales fortitudinis sunt quatuor, nemirum *Magnanimitas*, seu fiducia ac spes certa inedita virtute superandi pericula mortis: *Magnificentia*, quatenus significat constanter executionem eorum, quæ prævia fiducia animo desinavit; *Patientia*, qua sit, ut animus difficultate imminentium mortis periculorum per tristitiam non frangatur; & *Perseuerantia*, quatenus significat non quidē conditionē omni virtuti comunem, sed animum inter pericula mortis immobilem, ac in bono vsq; ad finē durabilem: quæ ipse etiam, si ad quasdam alias materias minus difficiles referantur, erunt virtutes à fortitudine distinctæ, eiusq; partes quasi potentiales, nemirum fortitudini adiunctæ, sicut secundariæ principali. Ita S. Thomas loc. cit. ex Cicerone libro 2. de Invent. vbi easdem quatuor fortitudinis partes constituit, scilicet magnificentiam, fiduciam, patientiam, & perseverantiam.

50 Probatur & declaratur. Duplex est enim actus fortitudinis, scilicet aggredi & sustinere. Ad actū autē aggredi duo requiruntur, quorum primum pertinet ad animi præparationem, ut scilicet aliquis promptū animū habeat ad aggredendum. Et quantum ad hoc, ponit Tullius lib. 2. de Invent. fiduciam per quam magnis & honestis in rebus multū ipse animus in fiducia certa cum spe collocauit. Secundū pertinet ad operis executionem, ne scilicet aliquid deficiat in executione illorū, quæ fiducialiter inchoauit. Et quantum ad hoc ponit Tullius loc. cit. magnificentiam, hoc est, rerum magnarum & excelſarum cum animi ampliā quadam & splendida propoſitione cogitationem atq; administrationem, id est, executionem, ut scilicet amplerū propoſitione administratio non defiat.

51 Adalium autem actum fortitudinis, qui est sustinere, duo itidem requiruntur; quorum primum est, ne difficultate imminentium malorum animus frangatur per tristitiam, & decidat a sua magnitudine: & quantum ad hoc Tullius loc. cit. ponit patientiam, quæ est, honestatis, sit utilitatis causa, rerum arduarum ac difficultarum voluntaria ac diuina perpeſio. Aliud est, ut ex diuina difficultate passione homo non eo vsq; fatigetur, ut deficiat, secundum illud Hebr. 12. v. 3. Non fatigemini animis vestris deficientes. Et quantum ad hoc, ponit perseverantiam; quæ est invatione bene considerata stabili & perpetua permanens.

Hæc igitur quatuor, si coactentur ad propriam materiam fortitudinis (nempe pericula mortis, in quibus vel aggredi vel sustinendi fortitudo versatur) erunt partes quasi integrales ipsius. Si autem referantur ad alias quasdam materias, in quibus est minus difficultas, erunt virtutes à fortitudine distinctæ; cui tamen (propter similitudinem & affinitatem)

52 adiungentur, sicut secundariæ principali, adeoq; velut partes potentiales eiusdē. Sicut magnanimitas ab Aristotele 4. Eth. c. 2. & 3. ponitur circa magnos sumptus: magnanimitas autē, quæ videtur idem esse cum fiducia, circa magnos honores, ut dicetur hoc & sequenti dubio.

Atque ad has ipsas eriam quatuor fortitudinis partes reuocantur septē illæ partes fortitudinis, quas numerat Macrobius l. i. in somniū Scipionis, scilicet magnanimitas, fiducia, securitas, magnificētia, constantia, tolerantia, firmitas: ut & aliæ septē virtutes, quas fortitudini aīnas statuit Andronicus, apud S. Thomam ibidem ad 6. quæ sunt Eupsychia, seu bona animositas, Lema, seu patientia, magnanimitas, virilitas, perseverantia, magnificētia, andragathia, quæ virilis bonitas. Ex quibus tamen nonnulla parū inter se differunt, & facile in unum reuocari possunt, ut cogitanti patet, & videre est apud S. Thomam loc. cit.

Quæritur secundo, an & qualis virtus sit *Magnanimitas*. Respondeatur cum S. Thoma q. 129. sc̄quentibus assertionibus.

I. Magnanimitas, ut est specialis virtus fortitudini adiuncta, pro materia habet honores & in honorationes. Ita S. Thomas cit. q. 129. a. 1. ex Aristotele 4. Eth. c. 3. vbi ait: *Magnanimitas est circa honores & in honorationes*. Ratio est; quia ut ex nominis notione constat, magnanimus dicitur, qui habet animū ad aliquid magnū; ac, pnde magnanimus simpliciter est ille, qui habet animū recte affectū circa ea, quæ inter res exteriores absolute & simpliciter sunt maxima; vt est honor; tum quia honor propinquissimus est virtuti, tanquam testimoniū eiusdē; tum quia Deo & optimis quibusq; exhibetur; tum etiā quia homines honori conseqendo, & vituperio vitando alia omnia postponunt: Ergo qui circa honores recte affect⁹ est, recte simpliciter & absolute dicitur magnanimus; ita ut magnanimitas immediate quide versetur circa passionem spei, mediate autem circa honorem, velut obiectum spei.

Sicut autē magnanim⁹ nō extollitur ex magnis honoribus, quia non reputat eos suprasē, sed magis eos contemnit; ita etiā dehonorationibus nō frangit, sed eas contemnit, ut pote quas reputat sibi indigne adferri, ut ait S. Thomas eadem q. 129. articulo 2. ad 3.

53 **ASSERTIO II.** Magnanimitas proprie est circa magnos honores. Ita Sanctus Thomas ibidem articulo 2. ex Aristotele 2. Ethic. cap. 7. idipsum afferente. Ratio est; quia virtus cum sit dispositio perfecti ad optimum, iuxta Aristotelem libro 1. de cœlo text. 116. seu ultima perfectione potentiae, ad rationem virtutis pertinet, ut sit circa difficile & magnum bonum, iuxta eundem Aristotelem 2. Ethic. cap. 3. Difficile autem seu magnum in actu virtutis dupliciter reperitur; primo ex parte rationis, quatenus difficile est medium rationis inuenire, & in aliqua materia statuere; & hac difficultas solum inuenitur in actibus virtutum intellectualium, & iustitia.

Secundo ex parte materiæ, quæ ex se repugnantiam habere possit ad debitum rationis

modum

modum in ea collocandū. Et hēc difficultas præcipue cernitur in virtutibus moralibus, quæ sunt circa passiones; quia passiones pugnant contra rationem; iuxta Dionysium c. 4. de diuin. nomin. par. 4. In quibus tamen hæc cernitur diuersitas, quod quædam passiones vim magnam habent resistendi rationi, principalius ex parte ipsius passionis: quædā vero principaliter ex parte rerum quæ sunt obiecta passionum.

55 Passiones autem ex se non habent vim magnam repugnandi rationi, nisi fuerint vehementes; eo quod appetitus sensitivus, in quo sunt passiones, naturaliter rationi subest; & ideo virtutes, quæ sunt circa passiones hoc modo spectatae, non ponuntur (principaliter) nisi circa id, quod est magnum in ipsis passionibus. Sicut fortitudo est circa maximos timores & audacias; temperantia autem circa maximarum delectationum concupiscentias; & similiter mansuetudo est circa maximas iras.

Passiones autem quædam habent magnam vim repugnandi rationi, ex ipsis rebus exterioribus, quæ sunt passionum obiecta; sicut amor sive cupiditas pecuniae, sive honoris. Et in his oportet esse virtutem, non solum circa id quod est maximum in eis, sed etiam circa mediocria & mitiora: quia res exterius existentes, etiam si sunt paruae, sunt multum appetibilis, ut pote necessaria ad vitam hominis. Ei ideo circa appetitum pecuniarum sunt duas virtutes, una quidem circa mediocres & moderatas, scilicet liberalitas: alia autem circa pecunias magnas, scilicet magnificientiam.

56 [Similiter etiam & circa honores sunt due virtutes; una quidem circa mediocres honores, quæ innominata est; nominatur tamen ex suis extremis, quæ sunt philotimia, id est, amor honoris, & aphilotimia, id est, sine amore honoris. Laudatur enim quandoq; qui amat honorē, quandoq; autem quinon curat de honore; prout scilicet utrumque moderate fieri potest. Circa magnos autem honores est magnanimitas. Et ideo dicendum est, propriā materiam magnanimitatis esse magnum honorem, magnanimumq; ad ea tendere quæ sunt magno honore digna.] Ita quidem S. Thomas loc. cit.

57 Sed quia omnis virtutum diuersitas etiam ex obiecto proprij actus desumitur, vt vel in ipsa fortitudine, temperantia, & manuetudine cernitur, quam nemo negauerit, etiam circa paruae iras compescendas versari, si materia iram nō postulet; neq; magnum & paruum ex parte obiecti variare solet efficiat actus, vel habitus virtutis: idecirco verius existimo magnanimitatem circa quousvis honores, sed potissimum circa magnos versari; neq; liberalitatē & magnificientiā præcise differre penes magnum & paruum; sed quod illa appetitum pecuniae, hæc appetitum cuiusdam splendoris in alijs rebus externis moderetur, vt inferius dicetur dub. 5.

58 ASSERTIO III. Magnanimitas est virtus. Ita S. Thomas ibidem a. 3. iuxta Aristotelem 4. Ethic. c. 3. Probatur: quia ad virtutem pertinet, vt in rebus humanis bonum rationis serueretur: inter cæteras autem res humanas exteriores, honores præci-

puum locum tenent, vt dictum est: Ergo magnanimitas, quæ modum rationis ponit circa magnos honores, est virtus.

Quod etiam confirmant affectiones, seu dispositiones corporis, quas Aristoteles 4. Ethic. c. 3. magnanimo tribuit valde contentaneas honestas mentis dispositioni, cum ait: Motus lenus magnanimi videtur, & vox gravis, & locutio stabile. Velocitas enim motus, inquit S. Thomas ibidem ad 3. prouenit ex eo, quod homo ad multa intendit, quæ explore festinat, sed magnanimus solum intendit ad magna, quæ pauca sunt, quæ etiam indigenit magna attentione; & ideo habet motum tardum.

Similiter etiam acutæ vocis, & velocitas præcipue competit his, qui de quibuslibet contendere volunt: quod non pertinet ad magnanimos, qui non introuunt se nisi de magnis. Et sicut predictæ dispositiones corporalium motuum conueniunt magnanimis, secundum modum affectionis eorum: ita etiam in his, qui sunt naturaliter dispositi ad magnanimitatem, tales coniunctiones naturaliter inveniuntur.

Nec obstat primo, quod magnanimitas opponi videtur humiliati; qua vt ait Aristoteles 4. Ethic. cap. 3. magnanimus se dignum reputat magnis, & alios contemnit, humili autem seipsum deprimit, & alios superiores estimat. Nam vt responderet S. Thomas ibidem ad 4. hæc proprie & formaliter non sunt contraria, sed diuersa; quia procedunt secundum diuersas considerationes.

Magnanimitas enim facit, vt homo se magnis dignum estimet, secundum considerationem donorum, qua posset ex Deo; vt si magna animi virtutem habeat, magnanimitas facit, vt ad perfecta opera virtutis tendat; eademq; est ratio cuiuslibet alterius boni, puta scientie, vel exterioris fortune. Humilitas autem facit, vt homo seipsum parui pendaat, secundum considerationem proprii defectus.

Similiter etiam magnanimitas contemnit alios, secundum quod deficit a donis Dei; nō enim adeo alios estimat, vt pro eis aliquid indecens faciat. Sed humilitas alios honorat & superiores estimat, in quantum in eis aliquid inspicit de donis Dei. Vnde psalm. 14. de viro iusto dicitur: Ad nihilum deductus est in conspectu eius malignus; timenter autem Dominum glorificat.

Nec obstat secundo, quod apud Aristotelem lib. 4. Ethic. cap. 3. magnanimitati tribui videntur quædam proprietates vitiæ. Nimurum 1. Non esse memorē beneficiorum. 2. esse otiosum & tardum. 3. vti ironia ad multos. 4. non posse alij conuiuere. 5. possidere infructuosa potius, quam fructuosa.

Nam vt responderet S. Thomas ibidem ad 5. proprietates istæ, quatenus ad magnanimum pertinent, non sunt vituperabiles, sed superexcedenter laudabiles, si recte intelligentur: nimurum 1. Ut magnanimo non sit delectabile beneficia recipere, quia majora rependat: quod pertinet ad perfectionē gratitudinis, in cuius actu vult superexcellere, sicut & in actibus aliarum virtutum. 2. Non quod deficiat ab agendis ijs, quæ ipsi conueniunt, sed quia non ingredit se quibuscumque operibus, sed solum magnis, quæ enim decent. 3. non quod vtratur ironia veritati opposita, vt scilicet dicat esse aliqua vilia, quæ nō sunt, vel

vel neget aliqua magna, quæ sunt: sed quia non tota magnitudinem suam monstrat, maxime quantum ad inferiorum multitudinem, seu vulgus promiscuum. Quia ut Aristoteles lib. 4. Eth. cap. 3. ait, ad magnanimitatem pertinet, magnum esse ad eos, qui in dignitate & bonis fortuna sunt; ad medios autem moderatum. 4. si intelligatur, quod ad alios non posse conuovere; scilicet familiariter, nisi ad amicos, quia omnino vitat adulatioñ & simulationem, quæ pertinent ad animi paruitatem. Coniuicit tamen omnibus, magnis & paruis secundum quod oportet. 5. vt se ceterum magis in fructuosa, non quæcunque, sed bona, id est, honesta; cum in omnibus præponat honesta utilibus tanquam maiora. Utilia enim queruntur ad subueniendum alicui defecuti; qui magnanimitati repugnat. Vide Aristot. 4. Eth. cap. 3.

ASSERTIO IV. Magnanimitas licet ex consequenti omnes virtutes respiciat, est tamen in se specialis virtus. Ita S. Thomas cit. quæstio. 129. articulo 4. ex Aristotele 2. Ethic. cap. 7. Ratio est; quia modum rationis constituit circa determinatam materiam, scilicet circa honores; ut supra dictum est. Quia tamen honor est cuiuslibet virtutis præmii, ideo magnanimitas ex consequenti, ratione sua materiæ, respicit omnes virtutes. Nec obstat, quod magnanimo tribuantur diuersarum virtutum actus ab Aristotele 4. Ethic. c. 3. scilicet, non fugere commonenrem, neque facere iniusta, sed esse promptum ad benefaciendum, & ad misericordandum, seu largiendum, itemque esse veridicum, & non esse planctum, quod est actus patientiae. Quia enim in oppositis horum, defectus quidam paruitatis cernitur, ideo ea vitat magnanimus, secundum quandam specialē rationē, scilicet tanquam contraria excellentie, vel magnitudini. Et constat, virtutes in operando sibi inuicem adminiculari.

ASSERTIO V. Magnanimitas est pars quadam potentialis fortitudinis, ut etiam superioris dictum. Ita S. Thomas ibidem artic. 5. Ratio est; quia magnanimitas ita fortitudini affinis ac similis est, ut tamen ab eius perfectione & excellentia deficiat. Conuenit enim quidem cum fortitudine, quatenus confirmat animum circa aliquid arduum: sed deficit ab ea, quod firmat animū in eo, circa quod facilis est firmitatem seruare; et si magnanimitas & fortitudo nonnunquam inter se confundantur, ut videre est apud Ciceronem l. 1. de officijs, & Senecam lib. de virtut. cap. de magnanimitate, vbi ait: *Eris magnanimus, si pericula nec appetas ut temerarius, nec formides ut timidus. Nam nil timendum facit animum, nisi reprehensibilia vita conscientia.*

ASSERTIO VI. Sicut fiducia ad magnanimitatem, ita securitas ad fortitudinem spectat; licet ex consequenti & securitas ad magnanimitatem, & fiducia ad fortitudinem pertineat, Ita S. Thomas ibidem a. 6. & 7. ex Cicerone l. 1. de officijs & l. 2. de inventu. Ratio est; quia cum magnanimus magna spes & aggrediatur, requirit fiduciā seu spem vehementem de bono proposito assequendo: & cum fortis timorem immoderatum periuincat, idcirco securitas, quæ significat quietem animi à timore, immediate & principaliter pertinet ad fortitudinem. Sicut tamen spes est causa audacie, ita timor est causa desperationis: ideo sicut fiducia

ex consequenti pertinet ad fortitudinem, in quantum vitraudacia, ita securitas ex consequenti pertinet ad magnanimitatem, in quantum repellit desperationem.

ASSERTIO VII. Sed & bona fortuna non nihil conferunt ad magnanimitatem, Ita S. Thomas ibidem c. 8. ex Aristotele 4. Eth. c. 3. Ratio est; Quia magnanimitas duo respicit, nempe honorem velut materiam, & aliquid magni opefandum velut finē: ad utrumq; autē istorū bona fortunæ conferunt; præsertim quia vulgus maximus astimat exteriora bona fortunæ, iisque honoris plurimi desert. Quia tamen magnanimus non astimat exteriora bona fortunæ, velut magna, idcirco nec de eis multum extollitur, si adsint, nec in eorum amissione mulum dejicitur. Iuxta S. Thomam ibidem ad 3.

Quæritur tertio, quæ & qualia sint vitia magnanimitati opposita.

Respondetur cum S. Thoma à q. 130. sequentibus assertionibus I. Vitia magnanimitati opposita vniuersim sunt quatuor, eaq; duplicitis generis; tria enim eidem opponuntur per excessum, nimirum præsumptio, ambitio, & inanis gloria; quartum, nempe pugillanimitas per defectum. Ita S. Thomas initio q. 130. Ratio patet ex sequenti⁹.

ASSERTIO II. *Præsumptio* est vitium magnanimitati oppositum per excessum, quo quis attentat ea, quæ vires ac facultatem suam excedunt, Ita S. Thomas q. 130. a. 1. & 2. iuxta Aristotelem 2. Ethic. cap. 7. & libro 4. cap. 3. Magnanimus enim non tendit in maiora, quam sibi conueniunt, nec transcendit proportionem sua facultatis: sicut etiam naturaliter quilibet actio *commensuratur* virtuti agentis. Quia tamen quæ per alios possumus, aliqualiter per nos possimus, iuxta Aristotelem 3. Ethic. cap. 3. idcirco non est præsumptio, opus virtutis attentare cum auxilio diuino, quod nemini denegatur, licet id præsumptum esset, si ad hoc aliquis tenderet, abque fiducia diuini auxiliū, iuxta S. Thomam eodem a. 1. ad 3. Quo spectat etiam illud Senecæ lib. de virtutibus cap. de moderanda fortitudine: *Magnanimitas siè extra modum suum extollat, faciet virum minacem, inflatum, turbidum, inquietum & in quaescung excellentias dictorum factorumque neglecta honestate festinum.* Alia est præsumptio spei opposita, de qua disput. 2. q. 1. dub. 4.

ASSERTIO III. *Ambitio* est vitium magnanimitati oppositum per excessum, quo quis inordinate honorem desiderat, vel quem non mereatur, vel quem non in Deum, nec in aliorum utilitatem, sed ad proprium solum commodum referat. Ita S. Thomas quæst. 131. art. 1. & 2. Ratio; quia iisdem tribus supradictis modis accidit, appetitum honoris esse inordinatum. 1. *Quod aliquis appetit testimoniū de excellentia, quæ non habet, quod est appetere honorē supra suā proportionem,* adeoq; indebitum. 2. *Quod honorem sibi soli cupit, non referendo in Deum,* cui tamen præcipue omnis honor debetur, velut auctori eius boni, cui honor defertur. 3. *Quod appetitus in ipso honore quieticit, non referens honorem ad utilitatem aliorum;* cum tamen bonum, quod honor respicit, detur homini à

Deo, ut ex eo alijs proficiat. Hæc vero omnia ad ambitionem pertinent.

68

Vbi notandum, honorē non esse bonum per se expetibile. Non enim dicitur præmium virtutis, inquit S. Thomas cit. a. i. quod ipsum virtuosum, vt scilicet hoc pro præmio expetere debeat. Sed pro præmio expetit beatitudinem, quæ est finis virtutis. Dicitur autem esse præmium virtutis, ex parte aliorum, qui non habent aliquid manus, quod virtuosos retribuant, quare honorem; qui ex hoc ipso magnitudinem habet, quod perhibet testimonium virtuti; liceat absolute non sit sufficiens præmium virtutis. Nec est absurdum, eidem virtuti plura virtus per excessum opponi, secundum diuersa, quæ in virtute spectantur; sicut in proposito est opus, quod magnanimus attentat per modum finis, & honor, quem respicit magnanimitas velut materiam: respectu prioris opponitur magnanimitati præsumptio: respectu posterioris ambitio, iuxta S. Thomam eodem a. 2.

69

ASSERTIO IV. Inanis gloria est vitium magnanimitati oppositum per excessum, quo vanaveritur gloria, nimur vel de eo, quod non est; vel de eo, quod non est gloria dignum; vel de eo quod iudicio hominum tantum laudatur, gloriam expetendo; vel ipsam gloriam ad finem indebitum referendo. Ita S. Thomas q. 132, a. 1. & 2.

Ratio est; quia gloria est quidam effectus honoris & laudis, nimurum frequens de aliquo fama cum laude, vt ait Cicero libro 2. de invent. vel vt Augustinus libro 83. quæstione 31. quæ clara cum laude notitia; quam etiæ appetere vniuersum ac per se non sit illicitum, necesse est tamen hunc appetitum, non minus quam appetitum honoris, magnanimitate moderari; qui appetitus si immoderatus sit, dicitur vana seu inanis gloria; idque tripliciter. 1. Ex parte rei, de qua quis gloriam querit, puta cum quis querit gloriæ de eo, quod non est, vel de eo, quod non est gloria dignum, sicut de aliqua re fragili & caduca. 2. ex parte eius, à quo quis gloriam querit, puta (principaliter) hominis, cuius iudicium non est certum. 3. ex parte ipsius qui gloriam appetit; qui videlicet appetit gloriæ suæ non refert in debitum finem, puta ad honorem Dei, vel proximi salutem, vt docet S. Thomas eodem a. 1.

Gloria vero quæ habetur à Deo, non est gloria vana, sed vera, quæ bonis operibus velut præmium reprobatur, vnde Apostolus 2. Cor. 10. v. 17. Qui gloriatur, in Domino glorietur. Non enim qui seipsum commendat ille probatus est; sed quem Deus commendat. Qui autem propter humanam gloriam opera virtutis operatur, non est vere virtuosus, vt Augustinus probat l. 5. de ciuit. Dei cap. 12.

70

Neq; ad hominis perfectionem pertinet, vt ab alijs cognoscatur; quare nec est per se appetendum. Potest tamen appeti, in quantum est virile ad aliquid, vt nimur vel Deus ab hominibus glorificetur, iuxta illud Matthæi 5. v. 6. Sic lucet lux vestra coram hominibus, vt videant opera vestra bona, & glorificant Patrem vestrum, qui in cœli est; vel vt ipse homo ex bonis, quæ in se cognoscit per testimonium laudis alienæ, studeat in eis perseverare,

& ad meliora proficeret. Et secundum hæc laudabile est, ut quis curam habeat de bono nomine, iuxta Eccl 41. Et ut prouideat bona coram Deo, & hominibus, iuxta Rom. 12. Non tamen ut in hominum laude inani- ter delebetur, vt docet S. Thomas ibidem ad 2. & 3.

ASSERTIO V. Inanis gloria potest esse peccatum mortale duobus modis. Primo ratione materia, de qua quis gloriatur, vt cum quis gloriatur de aliquo falso, quod aduersatur diuinæ reverentia seu gloriæ, secundum illud Ezechielis 28. v. 2. Eleuatum est cor tuum, & dixisti Deus ego sum. Et Cor. 4. v. 7. Quid habes, quod non accepisti? Si autem accepisti, quid gloriari quæsi non acceperis? Vel cum quis bonū temporale, de quo gloriatur, preferit Deo, contra illud Jerem. 9. v. 23. Non glorietur sapiens in sapientia sua; & non glorietur fortis in fortitudine sua; & non glorietur diues in diuisis suis: sed in hoc glorietur, qui gloriatur, scire & nosse me; quia ego sum Dominus, qui facio misericordiam & iudicium, & iustitiam intera: hæc enim placent mihi ait Dominus: quo proinde etiam spectat gloria de peccato mortali. Vel cum quis præferri testimonium hominum testimonio Dei, de quibus Ioannis 12. v. 43. Dilexerunt gloriam hominum magis, quam gloriam Dei.

Secundo, ex parte ipsius gloriantis, qui intentionem suam refert ad gloriam, tanquam ad ultimum finem, ad quem scilicet ordinat etiam virtutis opera, & pro quo consequendo non pretermittit facere etiam ea, quæ sunt contra Deum. Vnde Augustinus libro 5. de ciuit. cap. 14. ait; amorem humanae laudis tam inimicū esse pia fides, si maior in corde sit cupiditas gloriæ, quam Dei timor vel amor, vt dicit Dominus, (Ioannis 5. vers. 44.) Quomodo possem credere gloriam ab inuidem expectantes, & gloriam quæ à solo Deo est non querentes? Si autem amor humanae gloriæ quamvis sit inanis, non tamen repugnet charitati, neque quantum ad id, de quo est gloria, neque quantum ad intentionem gloriam querentum, non est peccatum mortale, sed veniale. Ita S. Thomas q. 132. artic. 3. Ratio est; quia peccatum inanis gloriæ per se non aduersatur charitatib; proximi; sed potest tamen aduersari charitatem Dei; idque, duobus modis supra explicatis.

ASSERTIO VI. Inanis gloria est vitium capitale; cuius filia numerantur, inobedientia, iactantia, hypocrisis, contentio, pertinacia, discordia, nouitatum præsumptio. Ita S. Thomas quæst. 132. artic. 4. & 5. ex Gregorio 31. Moral. cap. 31. etiæ à nonnullis pro vana gloria vitium capitale statuatur superbia; quod tamen eodem tempore recidit. Ratio est; quia appetitus gloriæ est admodum vehemens, & ex parte materiæ vniuersalis, ex quo proinde, si immoderatus sit, tam in verbis, quæ in factis, pro varia gloriæ affectatione, varia peccata enasci solent, vt dictum.

ASSERTIO VII. Pusillanimitas est vitium magnanimitati oppositum per defectum, quo quis magna refugit, etiam quæ alioqui sibi ac suis vicribus sunt proportionata. Quaratione seruus, qui accepta pecuniam Domini sui fodit in terra, nec operatus est cum ea, propter quendam pusillanimitatis timorem, punitur à Domino, Matthæi 25. & Lucæ 19. Ita S. Thomas q. 133. art. 1. & 2. Ratio est; quia sicut laudabile est in magnanimo, tendere

tendere ad magna, suis tamen viribus paria, ita in pusillanimo viuperabile, ex animi paruitate eadem refugere; & sicut per presumptionem eidem magnanimitati opositam per excessum, aliquis excedit proportionem sua potentiae, dum nititur ad maiora, quæ possit, ita pusillanimus, virtus eidem magnanimitati per defectum oposito deficit à proportione sua potentiae, dum recusat in id tendere, quod est sua potentiae commensuratum.

Idem tradit Aristoteles 4. Ethicor. cap. 3. vbi pusillanimitatem in virtute ponit & addit; *Qui dignificat se minoribus, quam sit dignus, dicitur pusillanus.* Et Gregorius 1. part. Pastor. cap. 5. *Qui prodebet, inquit, virilitati proximorum predicatione refugunt, si distracti iudicentur, ex tantis procubus dubio rei sunt, quantis venientes ad publicum prodebet posuerunt.*

Nec obstat primo, quod iuxta Eccli 10. vers. 15. initium omnis peccati *superbia*, cuius tamen expers videtur pusillanimis: quia ut recte Sanctus Thomas eodem art. 1. ad 3. etiam pusillanimitas aliquo modo ex *superbia* potest oriiri, dum scilicet aliquis nimis proprio sensu innititur, quo reputat se insufficientem ad ea, respectu quorum sufficientiam habet. Vnde dicitur Proverb. 26. vers. 16. *Sapientior sibi piger videatur septem viris loquentibus sententias.* Nihil enim prohibet, quod se quantum ad aliqua deiciat, & quantum ad alia se in sublime tollat. Ita S. Thomas.

Nec obstat secundo exemplum Moysis, & Ieremie, qui recusarunt officium sibi diuinitus delatum, Exodi 3. & Ieremie 1. Nam illi digni quidem erant officio, ad quod diuinitus eligebantur, ex diuina gratia: sed ipse, considerantes propria infirmitatem insufficientiam, recusabant; non tamen pertinaciter ne in superbiis laberentur. Nam vs. Gregorius part. 1. pastoralis cap. 7. ait: *Moyses superbus fortasse esset, si ducatum plebis sua sine trepidatione suscipieret: & rursum superbus existeret, si ductoris imperio obedire recusaret.*

DVBIVM V.

De tribus alijs virtutibus fortitudini annexis; nimirum magnificentia, patientia, perseverantia; ac virtutis oppositis.

S. Thomas 2. 2. q. 134. 135. 136. 137. & 138.

77 Quidam vero primo, an & qualis virtus sit Magnificentia, & quanam virtutis opposita habeat. Respondeo ex doctrina S. Thoma quæst. 134. & 135. sequentibus assertionibus. I. Magnificentia est virtus, & quidem specialis. Ita cum Aristotele 2. Ethic. cap. 7. & lib. 4. cap. 2. S. Thomas quæst. 134. a. 1. & 2. Probatur. Quia operari magna circa propriam materiam pertinet ad specialem virtutem: id autem facit magnificentia, quæ ex ipsa vi nominis talis dicitur, quod magna faciat, accipiendo facere proprie, vt significat operari aliquid in exteriori materia, si-

cut facere domum, vel aliud opus factibile ab arte. In cuius quidem usu seu factione potest attendi *specialis ratio bonitatis* (etiam moralis) quod ipsum opus factum per artem, sit *magnum* (seruata tamen debita proportione ad eum, qui sumptus subministrat) in quantitate, preciositate, vel dignitate; & secundum hoc magnificentia est specialis virtus.

Vnde Curiolib. 2. de inventu, ait: *Magnificentia est, rerum magnarum & excelsum, cum animi quadam ampla & splendida proportione, cogitatu, atque administratio: ut cogitatio referatur ad interiorum intentionem: administratio autem ad exteriorem executionem. Differet à magnanimitate, quod hæc in ceteris actionibus, illa in aliquo opere factibili, modo explicato, versatur, ut notauit S. Thomas eodem a. 2. ad 2. illa circa magnos honores, hæc circa magnos sumptus versatur, ut dicemus. Et quia nullus finis humanorum operum est adeo magnus, sicut honor Dei, ideo magnificentia præcipue magnum opus facit in ordine ad honorem Dei.* Quod nec Aristoteles ignorauit. 4. Ethic. cap. 2. dum ait: *Honorabiles sumptus sunt, maxime qui pertinent ad diuina sacrificia.*

ASSERTIO II. Tamerisi quidem, ut dictum, per se ac proprie obiectu, magnificentia sint magna opera externa & magnifica, ex consequenti tamē materia magnificentiae dici possunt etiam, tum sumptus, quibus vtitur magnificus, ad opus magnum faciendum, tum ipsa pecunia, qua vtitur ad sumptus magnos faciendos; & amor pecuniae, quem moderatur magnificus, ne sumptus magni impediatur. Ita S. Thomas q. 134. a. 3. ex Aristotele 4. Eth. c. 2. Ratio est; quia opera eiusmodi magna non possunt fieri sine magnis sumptibus & expensis, nec sine debita moderatione amoris pecuniarum: Ergo magnificentia ex consequenti etiam respicit magnos sumptus, ipsumq; affectum pecuniae, velut materiam, in qua ad supradictum finem moderanda versatur: sicut liberalitas respicit communem eiusdem pecuniae usum. Non quod magnificentia & liberalitas ex parte materiae solū differat penes magnu & paru; sed quia etiā simul differunt ex parte proprii obiecti & finis; ita ut magnificentia moderetur vnum pecuniae in ordine ad aliquod magnum opus faciendum; liberalitas vero in ordine ad alios fines, puta cætera communia dona & sumptus, ut colligitur ex S. Thoma eodē a. 3. ad 2. Quamuis etiam magnificus dona & xenia largiatur, iuxta Aristotelem 4. Eth. c. 2. non tam, inquit S. Thomas ibidē ad 3. sub ratione doni, sed potius sub ratione sumptus ordinati ad aliquod opus faciendum, puta ad honorandum aliquem (ipso exteriori opere largitionis;) vel ad faciendum aliquid unde proueniat honor toti ciuitati, sicut cum facit aliquid ad quod tota ciuitas studeat.

ASSERTIO III. Magnificentia est pars potentialis fortitudinis, adeoque virtus eidem adiuncta, ut secundaria principali. Ita S. Thomas quæst. 134. art. 4. ex dictis dub. 1. Ratio est; quia ad partem potentialem alicuius virtutis duo requiruntur; primo ut illa cum hac velut principali conuenientiam & affinitatem habeat; secundo ut ab hac excedatur & supereretur. Magnificentia autem conuenit cum fortitudine,